




Lesson 10
for
September
5, 2026

NGEREMBAI PENGARAP KRISTIN TI TULIN

"Kami dituntung semua macham penusah, tang kami enda alah, enda beba runding, enda putus pengarap, diperinsa, tang enda ditinggalka, dipalu tang enda dirusak, seruran mai pemat Jesus dalam tubuh kami, ngambika pengidup Jesus mega dipandangka dalam tubuh kami" (2 Korint 4:8-1).



Sapa madah pengidup pastor nyamai? Bala pemerita injil mai tanggung pengawa ti besai, lalu pengawa sida ukai nadai penusah.

Pengerindu ke semangat ti deka punas, enggau pengibuh ti lembut ti patut diberi sida dikena ngintu sereta nempa sida ti udah nerima injil, nya meh utai ti midaka bala penguinjil ti bendar ari serigala ti kasar.

Lebuh gerija bekerejasama enggau bala penguinjil iya lalu ngaga ubah ti tegap ba gaya pengidup iya, iya nyadi utai ti mai pemaik ti meri pengelantang enggau pengaga ngagai semua.



PENGAWA PASTOR



Pengijil ti landik



Pemerinsa Pengawa Penguinjil.



TANGUNG PENGAWA BALA RABAN



Bala raban ti meri pemaik



Seruan ngagai pengudus .



ASIL ARI PENGAWA BERSAMA



Pengelantang enggau pengaga

PENGAWA *PASTOR*

PENGINJIL TI LANDIK

"Kita empu tu meh surat kami, ti ditulis dalam ati kami, ti ditemu sereta dibacha semua orang" (2 Korint 3:2)

Bisi utai enda tentu berubah nitihka timpuh. Surat lalau agi dibuka nyentuk ke sehari tu, baka ke nyadi ba abad keterubah. Kati Paul begunaka surat sukong ngambika diterima gerija di Korint? (2 Korint 3:1)

Iya ngembuan surat sukong ti pemadu manah ti bisi: orang Korint empu (2 Kor. 3:2). Ati sida udah diubah ulih pengasih Allah Taala, nengah jaku ajar rasul enggau bala raban pemberita injil iya (2 Kor. 3:3).

Paul enggau bala penulung iya "landik nyadi penginjil sempekat baru" (2 Kor. 3:6 NIV). Sempekat ti bemulia, ti ditulis ulih Roh ba ati ke pengidup ti meruan belama iya.

Tang sekeda nitihka sempekat bukai, iya nya sempekat pengelepas ulih pengawa Adat ti ditulis ba batu, ti nagang sida ari ti ulih ngasaika mulia pengasih (2 Kor. 3:7-9).



PEMERINSA PENGINJIL.

"Semua utai tu ke penguntung kita, ngambika mayuh agi orang nerima pengasih, ngasuh sida beterima kasih ngagai mulia Allah Taala." (2 Korint 4:15)

Paul mereti sereta tan napi risiko lebuah nginjin. Tang iya nemu risiko tu berega, lalu iya nanggung risiko nya ketegal pengerindu iya ke orang ti diberi iya peluang ngulihka pengelepas (2 Kor. 4:15). Kelimpah ari nya, iya bisi jamin pasal tulung ari Allah Taala (2 Kor. 4:7-9):

Kami tu...

ditekan enggau

keras

bingung

diperinsa

dikemaruhka

Tang...

enda remuk


enda dalam asa .

enda ditinggalka

enda dirusak

Injin dipadahka nengah mensia ti lemi ngambika mulia nya semina ungkup Allah Taala aja.

Pemerinsa nya "pemerinsa ti mit, ti semina enda lama aja" enti dibanding enggau "pemesai mulia ti pemadu manah sereta meruan belama iya" ti deka diulihka kitai ba hari pengangkat ari mati (2 Kor. 4:14-18).



TANGGUNG PENGAWA BALA RABAN

PENGARI MAI BEBAIK

"Semua utai tu datai ari Allah Taala magang, ke udah mai kitai bebaik enggau Iya Empu, ulih Kristus, lalu udah meri kitai pengawa mai semua mensia bebaik enggau Iya.." (2 Corinthians 5:18)



Pengeransing ti patut ngatur pengidup gerija (enggau tiap iku kaban) iya nya: "Laban pengerindu Kristus mejal kitai" (2 Korint 5:14 NIV). Nama utai ti bisi dalam pengerindu tu, lalu nama utai ti mejal kitai?

Kristus meri nyawa diri ketegal pengerindu. Tu mejal kitai idup ke Iya (2 Korint 5:14-15).

Kristus udah ngaga kitai nyadi mensia ti baru. Tu mejal kitai ninggalka pengidup lama kitai (2 Kor. 5:17)

Kristus udah mai kitai bebaik enggau Allah Taala. Tu mejal kitai nyadi pengari ka pemaik (2 Kor. 5:18-20).

Nya alai, pengerindu Kristus mai kitai ngagai ubah pengidup ti ngenyit. Ngidupka pengerindu Kristus mega mai kitai bekunsika pengerindu nya enggau orang bukai, ngansak sida nerima pesan pengadang: "Bebaik enggau Allah Taala" (2 Kor. 5:20).



KANGAU NGAGAI PENGUDUS.



Kangau ngagai pengudus meri empas ngagai pengidup ninting hari ka bala penginejil enggau bala raban sida.

Betan leboh penusah . (2 Cor. 6:4-5)

Ngambika mansutka buah Roh .(2 Cor. 6:6)

Ngambika betul sereta lurus . (2 Cor. 6:7)

Bediri tegap dalam sebarang gaya .
(2 Cor. 6:8-10)

Muka ati kitai ngagai orang bukai . (2 Cor. 6:11-13 NIV)

Kena ngelari ka diri ari nitih ka orang ti enda arap . (2 Cor. 6:14-15)

"Nya alai laban kitai bisi semaya tu, menyadi, aram kitai nuchi diri empu ari semua utai ti ngamahka tubuh enggau roh kitai, lalu nyadi pemadu kudus nangika Allah Taala.." (2 Corinthians 7:1)

Begulaika mayuh macham genteran ari Sempekat Lama, Paul nyimpulka kangau ngagai pengudus enggau empas iya (2 Kor. 6:16-18):

Kangau

- Pansut ari endur ti bedosa
- Seraraka diri ari orang ke bedosa
- Anang negu utai ti enda tuchi

Utai ti ka nyadi


- Aku deka diau enggau kita
- Aku deka nyadi Petara kita
- Kita deka nyadi nembiak Aku
- Aku deka nerima kita
- Aku nyadika Apai kita

**ASIL ARI PENGAWA BEKERJA
SAMA**

LANTANG SERTA GAGA

"Aku suah temegahka kita. Aku balat gaga ati ke kita. Aku berasai diperansang. Taja pen kami dituntung mayuh macham penusah, tang ati aku lantang amat.." (2 Corinthians 7:4)

**Taja pan mayuh penanggul ke ditapi iya, Paul amat gaga ati. (2 Kor. 7:4). Nama utai ti ngasuh pengaga ati tu nyadi?
Paul udah nulis surat ti kasar ngagai orang Korint, ti udah ngasuh sida tusah ati (2 Kor. 7:8). Tang penusah ati nya mai sida nesal ati (2 Kor. 7:9-10). Tu ngasilka ubah ti penuh dalam kaul sida enggau Paul, sereta enggau pangan diri (2 Kor. 7:11-12).**



Enggau nya, bisi pengelantang ke semua. Titus, pangan Paul, berasai lantang ati. (2 Kor. 7:7). Paul berasai lantang enggau penatai Titus (2 Kor. 7:6). Orang Korint udah diperansang, ti mega mai pengelantang ngagai Paul (2 Kor. 7:13).

Tang Paul enda ngambi puji ketegal nya. Enti bala pastor enggau kaban ulih ngasaika pengaga enggau pengelantang, nya ngayanka Allah Taala "ngelantangka orang ti baruh ati" (2 Kor. 7:6a).

"Pengawa nginjil reti iya gawa, lalu ngagai pengawa nginjil tu kitai semua dikangau. Enti sapa-sapa milih pengidup ti ngelantangka diri empu, nya siti pengawa ti enda bebasaka Allah Taala. Bala menyadi aku, kati kita sedarka ninting taun beribu-ribu iku semangat benung lenyau, mati dalam dosa sida laban penampak pemendar nadai udah manchar ba jalai ti ditengah sida?"

Bisi pengawa ti besai deka dikereja ba dunya kitai. Lelaki enggau indu patut diubah, ukai ulih pemerl bejaku ngena jaku ti nyelai tauka ulih ngereja kereja ajih, tang ulih pengawa nginjil pasal Kristus ti diregang. Nama kebuah ngelaunka pengawa ngaga dunya tu manah agi?